



堯山堂外紀卷一


晉陵蔣一葵仲舒甫編

黃虞三代

寧封子

列仙傳黃帝時人按帝紀黃帝時有寧封為陶正或即此人

黃帝之前寧先生者嘗遊崑丘之外有蘭沙之地
去中都萬里其沙如細塵風吹成霧泛泛而起
有石藍之花輕而堅勁千年一開隨風霏霏名
曰青藍花又有魚鱉龍蛇飛於塵霧中先生遊



其地食飛魚而死臥沙百餘年。歟然而起形容復故。乃作遊海詩曰：青藍灼灼，千載舒百齡。暫歿食飛魚。

白帝子

太白之精

少昊以金德。王母曰皇娥。處璇宮而夜織。或乘桴木而晝遊。經歷窮桑滄茫之浦。時有神童容貌絕俗。稱為白帝之子。降乎水際。與皇娥讌戲。竝坐撫桐峰。桴瑟皇娥倚瑟而清歌。云天清地曠。

浩茫茫萬象迴。薄化無方。冷天蕩蕩望滄滄。乘桴輕漾著日傍。當期何所至窮桑。心知和樂悅未央。白帝子答歌云：四維八埏。眇難極。驅光逐影窮水域。璇宮夜靜當軒織。桐峯文桴千尋直。伐桴作器成琴瑟。清歌流暢樂難極。滄湄海浦來棲息。及皇娥生少昊。因號曰窮桑氏。

許由

字武仲。隱居潁水之陽。堯召為九州長。由不欲聞洗耳於潁水濱。時有巢父牽犢飲之。見由洗耳。問其故。曰：汙吾犢。口牽犢上流飲之。由乃棄其瓢而去。

許由者古之貞固之士也。堯時為布衣，以清節約聞于堯。堯乃遣使禪為天子，由喟然歎曰：「匹夫結志固如磐石，採山飲河，所以養性，非以貪天下也。」堯既殂，落乃作箕山之歌云：「登彼箕山兮，瞻望天下。」古音虎山川麗崎，萬物還普，日月運獎，靡不記睹。游放其間，何所窮慮。叶歎彼唐堯，獨自憇苦，勞心九州，憂勤后土。謂予欽明，傳禪易祖。我樂何如，益不眴顧。河水流兮，綠高山。叶其

瓜施兮葉綿蠻。叶高林肅兮相錯連，居此之處

傲堯君。叶

虞帝

白虎通舜憊也。言能推信堯道而行之也。母曰握登，見大虹，意感而生舜於姚

墟故姓姚氏

舜時景星出，卿雲興。於是俊乂百工相和而歌。帝乃倡之曰：「卿雲爛兮，糺縵縵兮。日月光華，旦復旦兮。」八伯咸進稽首曰：「明明上天，爛然星陳。日月光華，弘于一人。帝乃載歌，日月有常，星辰有

行四時順經萬姓允誠於予論樂配天之靈遷
于賢善莫不成聽藝乎鼓之軒乎舞之菁華已
竭塞裳去之

舜以樂教天下天下大治彈五絃之琴作南風之
操曰反彼三山兮商岳嵯峨天降五老兮迎我
來歌有黃龍兮自出于河負書圖兮委蛇羅沙
案圖觀識兮閔天嗟嗟擊石拊韶兮淪幽洞微
鳥獸踴躍兮鳳凰來儀凱風自南兮喟其增悲

舜初聞歷山之耕者侵畔乃往耕焉田父推畔後
遊歷山見鳥飛思親而作歌曰陟彼歷山兮崔
嵬有鳥翔兮高飛瞻彼鳩兮徘徊河水洋洋兮
清泠溪谷鳥鳴兮嚶嚶設置張罟兮思我父母
力耕日與月兮往如馳父母遠兮吾將安歸

方回

堯時隱舜遷負夏至鄧之墟有秀士
七人曰雄陶方回續牙伯陽東不訛秦
不虛靈甫皆不辟而至為
之七友既禪七人始逃之

舜堯蒼梧之野有鳥如雀常游丹海之際時來蒼

梧之野銜青砂珠積成壘阜名曰珠丘實珠輕
細風吹如塵起名曰珠塵今蒼梧之外山人採
藥時有青石圓潔如珠服之不死仙人方面遊
南嶽有七言讚曰珠塵圓潔輕且明有道服者
得長生

夏禹

父鯀娶有莘氏女曰志是為脩巳脩巳見流皇貫昂夢接意感孕歲有二月堯帝戊戌五十八載六月六日生禹於鸛道之石紐鄉世傳堯眉八彩舜目重瞳禹耳漏三

禹年三十未娶行塗山有白狐九尾造禹塗山人
歌曰綏綏白狐九尾龐龐成子家室乃都攸昌
禹遂娶之謂之女嬌

履癸

是為桀歿於亭山子淳維妻其衆妾適於北野隨畜轉徙號葷育逮周曰儼阮漢曰句奴傳曰其先伯禹之後是也

桀為酒池糟隄縱靡之樂一鼓而牛飲者三千
人群臣醉者持不醉者不醉者持醉者而歌曰
江水沛兮舟楫敗兮我王廢兮趣歸於臺臺亦

大兮。伊尹退而更曰。覺兮。較兮。吾大命格兮。去不善而從善。何不樂兮。乃就湯伐桀。

商胥餘

箕子名食。采於箕。故曰箕子。周武王克商。封於朝鮮。箕子施八條之約。遂

乃邑無淫盜。門不夜扃。故東夷以柔謹為風。異乎三方。

紂為淫暴。作炮烙之刑。箕子諫不聽。乃解衣被髮。

佯狂而去。之遂隱而鼓琴。以自悲。乃作歌曰。天

乎。天哉。歎負石自投河。嗟復嗟。柰社稷何。

箕子朝周。遇故殷墟。感宮室毀壞。生禾黍。箕子傷

之欲哭。則不可欲。泣為其逐婦人。乃作麥秀之

詩。以歌之。云。麥秀粲粲。禾黍油油。彼狡童兮。不

我好仇。殷民間之。皆為流涕。

墨允

字公信。弟致。字公達。姓墨。胎氏。夷齊其謚也。其先湯封於孤竹。

周武王已平殷亂。天下宗周。伯夷叔齊耻之。義不

食周粟。隱于首陽山。采薇而食之。及餓且死。作

歌曰。登彼西山兮。采其薇矣。以暴易暴兮。不知

其非矣。神農虞夏忽焉沒兮。我安適歸矣。于嗟

祖兮命之衰矣遂餓死於首陽山

周季歷

殷帝乙七祀卒子昌立是為西伯嘗寢疾五日而地動東南西北不出四

郊既薨子發即西伯位是為武王

太王有子三人太伯虞仲季歷季歷之子昌即文

王也太王寢疾欲傳季歷以及昌於是太伯與

虞仲去被髮文身託為王採藥後聞太王卒遷

犇喪哭於門示夷狄之人不得入王庭季歷謂

太伯長子也當立垂涕而留之終不肯止遂委

而去適於吳是後季歷作哀慕之歌章曰先王

既徂長實

音允

異都哀喪腹心未寫中懷

音窠

追念

伯仲我季如何梧桐萋萋生于道周

音徐

宮館徘徊

徊臺閣既除何為遠去使此空虛支骨離別垂

思南隅瞻望荆越涕淚交流伯兮仲兮逝肯來

遊自非二人誰訴此憂

文王躬脩道德執行仁義天下皆歸其後有鳳凰

啣書於郊文王曰殷帝無道雲亂天下皇命已

移不得復久乃作鳳凰之歌云翼翼翱翔彼鳳
凰兮銜書來遊以會昌兮瞻天案圖殷將亡兮
蒼蒼之天始有萌兮五神連精合謀房兮興我
之業望來羊兮文王龍顏虎眉日角鳥
鼻身長十尺有回乳

武王既克殷乃命閔天封比干之墓作銅盤銘云

左林右泉前岡後道萬世之靈於焉是保北干
墓在

衛輝府城北三十里即武王所
封者有石題殷太師比干之墓

成王誦武王子也中立聽政四聖維之周公
常立於前太公常立於左召公常立

於右史佚
常立於後

成王時鳳凰翔舞王作歌曰鳳凰翔兮舞紫庭予

何德兮以感靈賴先人兮恩澤臻于胥樂兮民

以寧

葛由羌人

成王時有葛由者好刻木羊賣之一旦騎羊而入

西蜀蜀中王侯貴人遣之上綏山隨之者不復

返皆得仙道里諺曰得綏山一桃雖不得仙亦

足以豪。

穆王滿

立時年五十五立五十四年一百四歲

王南征一軍皆化君子化為猿鶴小
人化為蟲沙西戎獻玉盃光燁一室
置杯于中庭明日水滿杯香而甘美

穆天子少好神仙常欲使車轍馬跡徧於天下乃

馭黃金碧玉之車倚氣乘風御八龍之駿一名

絕地足不踐土二名翻羽行越飛禽三名奔霄

夜行萬里四名超影逐日而行五名踰輝毛色

炳耀六名超光一形十影七名騰霧乘雲而奔

八名挾翼身有肉翅通而駕馬按轡徐行以匝

天地之域比東遊于黃澤使宮樂謠云黃之池

其馬歎沙皇人威儀黃之澤其馬歎玉皇人受

穀。

丙辰三十七年穆天子遊黃臺之丘獵於苹澤有

陰雨天子乃休日中大寒北風雨雪有凍人天

子作詩三章以哀民其一曰我祖黃竹幅員闕

寒帝收九行嗟我公侯百辟冢卿皇我萬民旦

夕勿忘。其二曰我祖黃竹。幅員閔寒。帝收九行。嗟我公侯。百辟冢卿。皇我萬民。旦夕勿窮。其三曰有皎者駱。翩翩其飛。嗟我公侯。百辟冢卿。居樂甚寡。不如遷土。禮樂其民。

乙丑四十六年。穆天子命駕八駿。升崑崙之丘。以觀黃帝之宮。遂寔於西王母觴于瑤池。西王母為天子諶曰。白雲在天。山陵自出。道里悠遠。山川間之。將子無死。尚能復來。天子答之曰。予歸

東土。和洽諸夏。萬民平均。吾顧見女。比及三年。將復而野。天子遂驅升于弇山。觀日之所入。乃紀跡于弇山之石樹之槐。眉曰西王母之山。王西

母姓楊諱。或曰姓緹氏。一名婉。衿一字太虛。又曰龜臺。金母居崑崙之圃。閭風之苑。玉樓十二。玄臺九層。左帶瑤池。右環翠水。女子登仙。得道者咸隸焉。董雙成。王子登許飛瓊。安法興。皆王母侍女也。漢武時。以七夕。夕日降承華殿。進蟠桃七顆。命子登。彈八琅之璈。雙成吹雲和之。笛飛瓊鼓靈虛之簧。法興歌玄靈之曲。唐宋間。徐州通判李陶有子年十七。八素不能作詩。忽詠落花詩。流水難窮。目斜陽。易斷腸。誰同研光帽。一曲舞山香。父驚問之。若有物憑者。自云是謝

中舍問研光帽事云西王母宴群仙有舞者
戴研光帽簪花舞山香一曲未終花皆落去

穆天子東至大擻之谷西王母來進嶠州甘霜餅
雪嶠州去玉門三千里地多寒雪霜著木石之
上皆融而甘可以為菓又集方士春霄宮王母
乘鳳輦而來玉帳高會進萬歲冰桃千年雪藕
復進素蓮一房百子及天子還歸西王母吟曰
徂彼西土爰居其所虎豹為群烏鵲與處嘉命
不遷我惟帝女彼何世民又將去予吹笙鼓簧

中心翱翔世民之子維天之望

穆王大暑列播膏燭覆以冰荷

不使光遠荷出
冰壑火不能鎔

長桑公子

宣王時長桑公子常散髮行歌曰巾金巾入天門
呼長精吸玄泉鳴天鼓養丹田柱下史聞之曰
彼長桑公子所歌之詞得服五星守洞房之道
者也

尹伯奇

吉甫之子

伯竒母死。父吉甫更娶。後妻乃譖伯竒於吉甫。曰：見妾有美色，有欲心。吉甫曰：伯竒為人慈仁，豈有此也？妻曰：試置空居中，君登樓察之。後妻乃取毒蜂，緣衣領，伯竒前持之。於是吉甫大怒，放之於野。伯竒乃集芟荷，以為衣；採楸花，以為食。晨朝履霜，自傷。見放，于是援琴鼓之，而作操曰：履朝霜，今採晨寒。考不明吾心，今聽讒言。孤息別離，今摧肺肝。何辜皇天，今遭斯愆。痛沒不同，今恩有偏。誰能流顧，今知我冤。會宣王出遊，吉甫從。伯竒乃歌以動宣王。宣王聞之，曰：此放子辭也。吉甫乃收伯竒，射殺後妻。

堯山堂外紀卷二

晉陵蔣仲舒編

列國

甯戚

字式人休不休人卧不卧學十五歲為齊威公師嘗祝公曰使公無忘在莒管

子無忘在魯戚無忘車下

甯戚欲干齊桓公困窮無以自達乃將任車商齊

莫宿郭門外公郊迎客夜開門辟任車爨火甚

衆戚飯牛車下擊牛角歌曰南山矸白石爛生

不逢堯與舜。禪短布單衣。適至鼂。從昏飯牛薄。
夜半長夜漫漫。何時旦。又歌曰。滄浪之水白石。
粲。中有鯉魚長尺半。弊布單衣裁至鼂。清朝飯
牛至夜半。黃犢上阪且休息。吾將捨汝相齊國。
又歌曰。出東門兮厲石斑。上有松栢青且闌。麤
布衣兮緼縷。時不遇兮堯舜主。牛兮努力食細
草。大臣在爾側。吾當與爾適楚國。公聞之。撫其
手曰。異哉。非常人也。命後車載之。因授以政。

齊桓公使管仲求甯戚戚應之曰。浩浩乎。儵儵乎。
管子不解歸而不怡。有少妾問焉。仲曰。非而與
知也。妾曰。毋少。毋賤。仲以語之。妾曰。甯子
殆欲室乎。古有白水詩云。浩浩白水。儵儵之魚。
君來召我。我將安居。國家未立。從我烏如。浩浩
者水。育育者魚。未有室家。而召我安居。
浩浩育育。喻時

人皆得配偶。以居其室。戚有
伉儷之思。故陳此詩見意。

百里奚

字凡伯。楚人。奚亡出居百里。因氏。今
南陽府城西有百里奚宅。宅旁有墓。

呼七
星塚

百里奚少貧流落不偶欲出游以干諸國其妻以
門關烹母雞餞之久而不歸其妻無以自給乃
西入秦為澣婦遂與奚相失及晉虜奚以為秦
穆公夫人媵奚亡走宛公以五羖羊皮贖為相
號五羖大夫其妻在秦知之而未敢言一日奚
坐堂上樂作所貨澣婦自言知音因援琴撫絃
而歌者三其一曰百里奚五羊皮憶昔時烹伏

雌炊糜糜今日富貴忘我為其二曰百里奚初
娶我時五羊皮臨當相別時烹牝雞今適富貴
忘我為其三曰百里奚百里奚母已死葬南谿
墳以瓦覆以土春黃藜搯伏雞西入秦五羖皮
今日富貴捐我為歌畢奚愕然問之乃其故妻
遂還為夫婦

楚王軫

楚熊姓黃帝有熊氏之後至鬻熊為
文王師成王封其曾孫熊繹于楚

楚昭王渡江有物大如斗直觸王舟王使人問孔

子曰此名萍實惟霸者能獲之可剖而食吉祥也王食之大美孔子歸弟子請問曰吾昔遇陳聞童謠曰楚王渡江得萍實大如斗赤如日剖而食之甜如蜜此楚王之應也吾是以知之

吳王闔閭

都姑蘇欲西破強楚楚在西北故立閭門以通天氣後伐越創死葬

閭門外有白虎居冢上因號虎丘其子夫差報越敗越于夫椒今常州馬跡山是也

帝嘗時太上遣使齋靈寶真文授帝帝將仙封之鍾山至夏禹登位巡狩度弱水登鍾山遂得靈

寶真文禹未仙前後封之壯嶽及包山洞庭之室吳王闔閭出遊包山見一人自言姓山名隱居入洞庭取素書一卷呈闔閭其文不可識令人齋問孔子孔子曰丘聞童謠云吳王出遊觀震湖龍威丈人山隱居壯上包山入靈墟乃入洞庭竊禹書天帝大文不可舒此文長傳百六初若強取出喪國廬使者反白闔閭乃尊事之闔閭墓中石銘云嗚呼吾之君王棄吾之邦遷于

重岡維岡之陽。吾王之邦。

夫差小女紫玉年十八有童子韓重年十九紫玉
悅之私交信問許為之妻重學于齊魯間臨去
屬其父求婚王怒不與紫玉結氣死葬閭門外
三年重歸往弔于墓紫玉從墓側形見宛頸而
歌曰南山有鳥北山有羅意欲從君讒言孔多
悲結成疾沒命黃墟命之不造寃如之何羽族
之長名為鳳凰一日失雄三年感傷雖有衆鳥

不為匹雙故見鄙姿逢君輝光身遠心通何曾
暫忘歌畢歔歔流涕要重還冢與之讌飲三日
夜盡夫婦禮臨出取徑寸明珠及崑崙玉壺與
之重詣王自說其事王大怒謂重發冢託以鬼
神趣收重紫玉忽來見跪而言曰昔諸生韓重
求玉大王不許今名毀義絕自致身亡重遠還
弔唁感其篤終輒與相見因遺以珠玉不為發
冢願勿推治夫人聞之出抱紫玉忽如烟不見

越王勾踐

吳王赦使歸國用范蠡計求得陰

美女一名夷光二名修明以貢于吳吳滅
蠡乘輕舟遊五湖變姓名自號鴟夷子皮

越王欲謀復吳范蠡進善射者陳音音楚人也越

王請音而問曰孤聞子善射道何所生音曰臣

聞弩生于弓弓生于彈彈起于古之孝子不忍

見父母為禽獸所食故作彈以守之歌云斷竹

續竹飛土逐穴古肉字此
二言之始

勾踐將入吳與諸大夫別于江上勾踐夫人顧鳥

鵲啄江渚之蝦飛去飛來因據船慟哭而歌曰

仰飛鳥兮鳥鳶凌玄虛兮號翩集洲渚兮優恣

啄蝦矯翮兮雲間任厥性兮往還妾無罪兮負

地有何辜兮譴天風颿獨兮西往孰知返兮何

年心惓惓兮若割淚泫泫兮雙懸又歌曰彼飛

鳥兮鳶鳥已迴翔兮翕蘇心在專兮素蝦何居

食兮江湖徊復翔兮游颿去復返兮於乎始事

君兮去家終我命兮君都終未遇兮何辜離我

君兮去家終我命兮君都終未遇兮何辜離我

國兮去。吳妻衣褐兮為婢。夫去冕兮為奴。歲遙
遙兮難極。寃悲痛兮心惻。腸千結兮服膺於手。
衰兮忘食。願我身兮如鳥身。翱翔兮矯翼去我
國兮。心遙情憤。惋兮誰識。王聞歌大慟。謂夫入
曰。孤何憂吾之六。翮備矣。遂入吳。共稱臣。妾焉
越王自吳還國。乃苦身焦思懸。膽于戶。出入嘗之。
使國中男女入山采葛。作黃絲布。獻吳。吳王乃
增越封。賜羽毛之飾。几杖諸侯之服。越國大悅。

采葛之婦傷越王用心之。乃作若之。何詩曰
葛不連蔓。藜台台。我君心苦。命更之。嘗膽不苦
甘如飴。令我采葛以作絲。饑不皇食。四體疲。女
工織兮不敢遲。弱于羅兮輕罪罪。號絺素兮將
獻之。越王悅兮忘罪辜。吳王歡兮飛尺書。增封
益地。賜羽旗。几杖茵蓐。諸侯儀。群臣拜舞。天顏
舒。我王何憂能不移。越王將歸。有丹鳥夾王而
飛。故得入國。因起望鳥臺。

既增封。乃使大夫種齊。葛布十萬。甘密
九。攬文筭七枚。狐皮五雙。報增封之禮。

越王伐吳國人各送其子弟于境上作離別相去
之辭曰躑躅摧長慙兮擢戟馭受所離不降兮
以泄我王氣蘇三軍一飛降兮所向皆殂一士
判死兮而當百夫道祐有德兮吳卒自屠雪我
王宿恥兮威振八都軍伍難更兮勢如貔貍行
行各努力兮於乎於乎

越王既滅吳霸諸侯號令于齊楚秦晉皆輔周室
秦厲公不如命勾踐乃選吳越將士西渡河以

秦人懼自引咎越乃還軍軍人悅樂作河梁之
詩曰渡河梁兮渡河梁舉兵所伐攻秦王孟冬
十月多雪霜陰寒道路誠難當陳兵未濟秦師
降諸侯怖懼皆恐惶聲傳海內威遠邗稱伯穆
桓齊楚莊天下安寧壽考長悲去歸兮河無梁
越俗性率朴初與人交有禮封土壇祭以犬雞祝
曰君乘車我帶笠他日相逢下車揖君擔簦我
跨馬他日相逢為君下

趙簡子鞅

邯鄲縣古趙國每年三月日空巷上簡子冢冢形如硯世謂硯子冢

趙簡子南擊楚渡漢津吏醉臥怒欲殺之其女娟持楫走前曰妾父聞君渡不測之水故禱江淮之神不勝杯酌沉醉至此妾願以微軀易父之命簡子遂釋不誅將渡娟攘拳操楫而請中流發激棹之歌曰升彼河兮面觀清。水揚波兮杳冥冥。禱求福兮醉不醒。誅將加兮妾心驚。罰既釋兮瀆乃清。妾持楫兮操其維。蛟龍助兮主將。

歸呼。來。擢兮。行。勿疑。簡子大悅。比歸納為夫人。

魏文侯斯

以下子夏田子方段干木為師段干覆姓其子隱如入關去干為段

魏文侯過段干木之閭而軾之其僕曰君胡為軾曰木賢者也安敢不軾其僕曰然則君何不相之於是文侯請以為相木不肯受乃致祿百萬而時往館之國人相與誦曰吾君好正段干木之敬吾君好忠段干木之隆。

韓憑

塚在下邳晉時王玄象任下邳太守好發塚或告玄象憑墓有一女子近視則

亡即命發之見一棺上有金蠶銅人數百
一女可二十歲姿容若一臂有金釧斬臂
取之
復死

韓憑為宋康王舍人妻何氏美而豔康王奪之囚
憑於獄何氏因作烏鵲歌以見志曰南山有烏
北山張羅烏自高飛羅當柰何又曰烏鵲雙飛
不樂鳳皇妾自庶人不樂君王後聞憑自殺即
陰腐其衣與王登臺自投臺下左右引衣衣不
勝手得遺書于帶中曰願以屍還韓氏合塋王

怒葬青陵臺與憑塚相望一夕梓木生一塚上
根交枝連又有烏如鴛鴦恒棲其樹朝暮悲鳴
後人謂此禽即韓憑夫婦精魂因名為韓憑鳥

何氏又有寄憑歌曰其雨淫淫河大水深日出
當心康王以問蘇賀賀曰雨淫淫憇且思也河
水深不滯往來也
日當心有死志也

羅敷秦氏女子
邯鄲人

羅敷為邑人千乘王仁妻王仁後為趙王家令羅
敷出採桑于陌上趙王登臺見而悅之因置酒

欲奪馬羅敷善彈箏作陌上桑之歌以自明趙
王乃止其一解云日出東南隅照我秦氏樓秦
氏有好女自名為羅敷羅敷喜蠶桑採我城南
隅青絲為籠係桂枝為籠鈎頭上倭墮髻耳中
明月珠絢綺為下裙紫綺為上襦行者見羅敷
下擔捋髭鬚少年見羅敷脫帽著幘頭耕者忘
其犁鋤者忘其鋤來歸相怨怒但坐觀羅敷其
二解云使君從南來五馬互踟躕使君遣吏往

問是誰家姝秦氏有好女自名為羅敷羅敷年
幾何二十尚不足十五頗有餘使君謝羅敷寧
可共載不羅敷前置辭使君一何愚使君自有
婦羅敷自有夫其三解云東方千餘騎夫婿居
上頭何用識夫婿白馬從驪駒青絲繫馬尾黃
金絡馬頭腰中鹿盧劍可置千萬餘十五府小
史二十朝大夫三十侍中郎四十專城居為人
潔白皙鬢鬢頗有鬚盈盈公府步冉冉府中趨

坐中數千人。皆言夫壻殊。

馮煖 即馮驩孟嘗君招致諸侯遊士及有罪亡人食客常數千人煖為市義卒蒙其

力後世以為客中翹楚

馮煖居齊貧乏不能自存使人屬孟嘗君願寄食門下左右以君賤之食以草具居有頃倚柱彈其劍歌曰長鋏歸來乎食無魚左右以告孟嘗君曰食之比門下之客居有頃復彈其鋏歌曰長鋏歸來乎出無車左右皆笑之以告孟嘗君

曰為之駕比門下之車客於是乘其車揭其劍過其友曰孟嘗君客我後有頃復彈其劍鋏歌曰長鋏歸來乎無以為家左右皆惡之以為貪不知足孟嘗君問知有母老乃使人給其食用無使乏於是馮煖不復歌

趙公子勝 封平原君秦昭王遺書聞君高義願與君為十日之飲

平原君好士食客嘗數千人孔子之玄孫子高 穿自魯適趙平原君與飲強之酒曰昔有遺諺堯

舜千鍾孔子百觚子路嗑嗑尚飲十榼古之聖
賢無不能飲吾子何辭子高曰穿聞賢聖以道
德無人未聞以飲平原君曰即如先生言則此
言何生子高曰生于嗜酒者蓋其勸勵采戲之
辭非實然也平原君欣然曰吾弗戲子無所聞
此雅言也

楚襄王橫

懷王子宋王者屈原
弟子仕王為大夫

赤帝女姚姬未行而卒葬于巫山之陽號曰巫山

之女楚襄王一日與宋玉遊于雲夢望高唐有
雲氣曰此何氣也玉曰此所謂朝雲也昔先王
遊高唐晝寢夢一婦人自稱是巫山之女王因
幸之去而辭曰妾在巫山之陽高丘之岨旦為
朝雲暮為行雨朝朝暮暮陽臺之下旦朝視之
果如其言故為立廟號曰朝雲

楚襄王與唐勒景差宋玉遊陽雲之臺王曰能為
寡人大言者上座王因唏曰操是太阿剝一世

流血冲天。車不可以厲。唐勒曰：壯士憤兮絕天
維。北斗戾兮太山夷。景差曰：校士猛毅，臯陶嘻
大笑，至今摧梁。愚鋸牙雲狝，甚大吐舌萬里。唾
一世。宋玉曰：方地為車，圓天為蓋。長劍耿耿倚
天外。王曰：未也。并吞四夷，飲枯河海，跋越九州，
無所容止。身大四塞，愁不可長。據地盼天，迫不
得仰。

楚襄王既令諸大夫造大言賦，賦畢，宋玉受賞。王

曰：抑未備也。有能為小言賦者，賜之雲夢之田。

景差曰：載氛埃兮乘剽塵，體輕蚊翼兮形微蚤鱗。
聿遑浮踊，凌雲縱身。輕由鍼孔，出入羅巾。飄妙
翻綿，乍見乍泯。唐勒曰：析飛糠以為輿，剖粃糟
以為舟。泛然投乎杯水，淡若巨海之洪流。繩
蚘背以顧眇，附蟻螻而遨遊。寧隱微以無准，原
存亡而不憂。又曰：館于蠅鬚，宴于毫端。烹虱脰，
切蟣肝。會九族而同躋，猶委餘而不殫。宋玉曰：

無內之中。微物漸生。比之無象。言之無名。蒙蒙
滅景。昧昧遺形。超于太虛之域。出于未兆之庭。
織于毳末之微。蔑陋于茸毛之方。生視之則眇
眇。望之則冥冥。離朱為之歎悶。神明不能察其
情。二子之言磊磊。皆不小何如此之為精。王曰
善。賜以雲夢之田。

楚襄王好女色。宋玉為賦以諷。曰。或謂玉為人身
體容冶。口多微詞。出愛主人之女。入事大王。臣

身體容冶。受之二親。口多微詞。聞之聖人。臣嘗
出行。僕饑馬疲。正值主人門開。主人翁出。姬又
到市。獨有主人女在。女欲置臣堂上。太高堂下
太卑。乃更于蘭房之室。止臣其中。中有鳴琴。馬
臣援而鼓之。為幽蘭白雪之曲。主人之女翳承
日之華。披翠雲之裘。更被白縠之單衫。垂珠步
搖。來排臣戶。為臣炊雕胡之飯。烹露葵之羹。來
勸臣食。以其翡翠之釵。挂臣冠纓。臣不忍仰視。

為臣歌曰歲將暮今日已寒中心亂兮忽多言
臣復援琴鼓之為秋竹積雪之曲主人之女又
為臣歌曰內林惕兮徂玉牀橫自陳兮君之旁
君不御兮妾誰怨日將至今下黃泉玉曰吾寧
殺人之父孤人之子誠不忍愛主人之女王曰
止止寡人于此時亦何能已

楚襄城君始封衣翠衣帶玉鈎履縞舄立乎水上
大夫莊辛過而說曰願把君手可乎襄城君悲

色不言辛遷延稱曰君不聞鄂君乎乘青翰之
舟張翠蓋會鐘鼓之音越人擁楫而歌曰今夕
何夕兮塞洲中流今日何日兮得與王子同舟
蒙羞被好兮不訾詬耻心幾煩而不絕兮得知
王子山有木兮木有枝心悅君兮君不知於是
鄂君舉繡被而覆之襄城君乃奉手進辛

秦皇政

虎口日角火目隆鼻鷲鳥鷹豹聲長
八尺六寸大七圍手握兵執矢名祖

龍侯生數其淫暴謂
萬萬丹朱千千桀紂

始皇祠洛水有黑頭公從河中出呼始皇曰來受
天之寶乃與群臣作歌曰洛陽之水其色蒼蒼
祠祭大澤倏忽南征洛濱醮禱色連三光

初燕太子丹質于趙與秦皇善秦皇即位丹質于
秦遇之無禮丹怒欲歸秦皇不聽謬言曰烏白
頭馬生角乃可丹仰而烏既白頭馬為生角秦
皇不得已造機發之橋欲陷丹丹過之橋為不
發比歸怨秦皇必欲報之聞衛人荊次非軻賢

使劫秦皇次非不擇日而發太子賓客知其事
者皆白衣冠送之至易水上高漸離擊筑次非
和而歌曰風蕭蕭兮易水寒壯士一去兮不復
還入秦獻督亢圖左手把秦皇袖右手楹其胸
秦皇曰今日之事從子耳乞聽琴聲而死乃
召姬人鼓琴琴女秦曲云羅縠單衣可掣而絕
三尺屏風可超而越鹿盧之劍可負而拔王從
其計遂體解以狗次非不解琴故及于難後漸

離以擊筑得幸因以筑擊殺秦皇不中死

始皇二十八年東行郡縣上泰山陽至顛立石頌
德風雨暴至休大松下因封為五松大夫後人
詠松云半依崑岫倚雲端獨上亭亭耐歲寒。二
事頗為清節累。秦時曾作大夫官。

始皇三十一年九月庚子茅盈高祖濛于華山中
乘雲駕鶴白日昇天先是時有巴謠歌云神仙
得者茅初成駕龍上昇入太清。時下玄洲戲赤

城繼世而往在我盈。帝若學之臘嘉平。始皇聞
謠歌而問其故父老具對曰此仙人之謠歌勸
帝求長生之術於是始皇欣然乃有尋仙之志

因改臘曰嘉平 茅盈咸陽人得道隱句曲邦人
因改句曲為茅君山時盈二弟

表為五官大夫西河太守固為執金吾治句曲
山表治常良山盈為司命真君東嶽上卿漢平
帝元壽二年也內法既融外教坦平爾乃風雨
以時五禾成熟疾癘不起暴害不行父老歌曰
茅山連金陵江湖據下流三神乘白雀各在一
山頭佳雨灌畦稻陸田亦復周妻子保堂室使
我無百憂白雀翔
青天何時復來遊

秦築長城起臨洮至遼東延袤萬餘里死者相屬
民歌云生男慎勿舉。生女哺用脯。不見長城下
尸骸相支柱。

始皇作驪山陵周廻跨陰盤縣界水背陵鄣使東
西流運大石于渭北民怨之作甘泉之歌云運
石其泉口渭水不敢流。千入唱萬人謳。金陵餘
石大如堰。是年作阿房宮以磁石為門懷刃者
輒止之又起雲明臺子時興工午時
已畢謂之
子午臺

始皇既坑儒焚典遂欲發孔子墓取諸經傳先是
孔子將死遺秘書懸甕中始皇登孔子臺上牀
啓甕得丹書曰後世一男子自稱秦始皇登我
堂上我牀顛倒我衣裳。至沙丘而亡。怒而發塚
及達沙丘令修別路見一群小兒輦沙為阜問
云沙丘從此得病葬之日匠人作機巧者生閉

墓中孔子卒戒門人作虛墓十間及始皇發墓
至十間有兔出逐之過曲阜十八里沒掘

之不得因
名白兔溝

優旃者秦倡侏儒也嘗侍始皇立殿上秦法重非
有詔不得輒移足時天寒雨甚武士被楯立庭
中優旃欲救之戲曰被楯郎汝雖長雨中立我
雖短殿上幸無濕始皇聞之乃令徙立廡下
秦二世立欲漆其城優旃曰佳哉漆城光蕩蕩寇
來不得上二世以其故止

西楚霸王籍

漢書項籍傳羽學書不成去學
劍又不成去去者罷弃之意本
謂學書學劍皆以不成而弃去少微江氏
節其字謂學書不成去學劍又不成遂使

學者例以去學
劍為句誤甚

項王有美人名虞常幸從有駿馬名騅常騎之及

軍壁垓下諸侯兵圍之數重夜聞四面皆楚歌

廼悲歌慷慨自為詩歌數闕歌云力拔山兮氣

蓋世時不利兮騅不逝騅不逝兮可奈何虞兮

虞兮奈若何美人和云漢兵已略地四面楚歌

聲大王意氣盡賤妾何聊生項王泣數行下虞

姬乃請劍自刎

虞姬葬處生草能舞
人呼為虞美人草

齊王橫

田儋狄人也從弟田榮榮弟田橫皆豪強能得人兄弟三人更王

秦末田橫自立為齊王後居海島漢有天下召橫

至千戶鄉自到從者聞之不敢哭為挽歌歌之

云薤上朝露何易晞。露晞明朝更復落。人死一

去何時歸。又云蒿里誰家地。聚斂精魂無賢愚。

鬼伯一何相催促。人命不得少踟躕。今之輓歌自橫始武

帝時李延年分為二曲薤露送王公貴人蒿里送士大夫庶人

堯山堂外紀卷一畢

堯山堂外紀卷三

晉陵蔣仲舒編

漢

高帝邦

字季日角龍眼牛胸龜背姓卯金刀太上皇微時遊山澤間有冶鑄曰為

天子鑄劍若得腰間佩刀雜冶即成神器可以克天下彛星精為輔以殲三殤太上

曰此物名七首遂解投烟焰中劍成授太

上以賜季按蕭何為彛星項羽陳勝胡亥為三殤季又以始皇三十四年於南山得

一鉄劍長三尺小篆書銘曰赤霄及貴常服之此即斬白蛇之劍也

堯山堂外紀卷三

高帝母媪嘗息大澤之陂夢與神遇是時雷電晦
冥父太公往視則見交龍於上已有娠遂產帝
帝命驗曰賊起蜚邠生虎賊起蜚始皇立也邠

劉字之別始皇立而劉生

太公名媪
字執嘉

高帝七年自將兵三十萬擊韓王信帝先至平城
步兵未盡到冒頓縱精兵三十餘萬圍帝於白
登七日漢兵中外不得救餉樊噲時為上將軍
不能解圍天下皆歌之曰平城之下亦誠苦七

日不食不能殼弩後用陳平秘計得免

高帝十二年帝自擊黔布還過沛留置酒沛宮悉
召故人父老子弟佐酒發沛中兒得百二十人
教之歌酒酣帝擊筑自歌曰大風起兮雲飛揚
威加海內兮歸故鄉安得猛士兮守四方令兒
皆和習之帝乃起舞忼慷傷懷泣數行下

四皓者皆河內軹人一曰東園公二曰角里先生
三曰綺里季四曰夏黃公秦時政虐乃退而作

歌曰莫莫高山。深谷逶迤。曄曄紫芝。可以療饑。唐虞世遠。吾將何歸。駟馬高蓋。其憂甚大。富貴之畏人。不如貧賤之肆志。因共入商雒。隱地肺山。及秦敗高帝。屢徵之不至。後帝欲廢太子。立戚夫人子趙王如意。呂后用留侯計。幣召四皓。四人為之輔羽翼。已成難動搖矣。姬涕泣上曰。汝為我楚舞。吾為若楚歌。歌曰鴻鵠高飛。今一

舉千里。羽翼已就。今橫絕四。溢橫絕四海。今當可柰何。雖有增繳。今尚安所施。歌闋。罷酒。竟不

易太子

戚夫人即定陶戚姬也。高帝寵之。特與同臨宮中。百子池生。趙隱王如意。惠帝立。呂后為皇太后。廼令永巷囚戚夫人。髡鉗衣赭衣。令舂戚夫人。舂且歌曰。子為王。母為虜。終日舂薄暮。常與死為伍。相離三千里。當誰使告汝。太后聞之大怒。

曰乃欲倚女子邪召趙王鳩之戚夫人遂有人
彘之禍

趙幽王友高帝諸姬子也初封淮陽王呂后殺趙
王如意徒友為趙王友以諸呂女為后不愛愛
它姬諸呂女讒於太后太后怒召趙王置邸令
衛圍守之趙王餓乃作歌遂幽死其歌曰諸呂
用事兮劉氏微迫脇王侯兮疆授我妃我妃既
妬兮誣我以惡讒女亂國兮上曾不寤我無忠

臣兮何故弃國自決中野兮蒼天與直于嗟不
可悔兮寧早自賊為王餓死兮誰者憐之呂氏
絕理兮託天報仇

張良

天駟房星之神曰王良故字子房堯時
有五星自天而竇一是土之精墜穀城

山下其精化為圮橋老人以兵書授子房
佐漢功成求於穀城山下得黃石焉子房
解形於世其家葬其衣冠與黃石占者常
見墓上黃氣高數十丈赤眉之亂人發其
墓但見黃石
枕化而飛去

漢初有四五小兒路上羣戲一兒歌云着青裙入

天門揖金母拜木公時人皆不識唯張子房知之乃徃拜焉曰此乃東王公之玉童也仙人得道昇天當揖金母而拜木公自非冲虛登真之子莫知其津木公亦云東王父亦云東王公張子房隱商山與四皓為雲外之友定太子時有應曜者隱於淮陽山中與四皓俱徵曜獨不至時人語曰商山四皓不如淮陽一老留侯有尼父贊曰巖巖孔聖異代稱傑量合乾坤

明參日月。

張讚留侯七世孫也初居吳縣相人里時人諺曰相里張多賢良積善應子孫昌。

夏侯嬰

為沛廐司御每送客還過高帝語未嘗不移日嘗為滕令故號滕公及曾孫頗尚主主隨外家孫號孫公故滕公子孫重為孫氏

夏侯嬰薨求葬東都門外公卿送喪駟馬不行路地悲鳴使人掘馬蹄下得石擲其銘曰佳城鬱鬱三千年見白日於嗟滕公居此室乃葬斯地

謂之馬冢

淮南厲王長

高帝第四子也子安襲封淮南王著書號曰鴻烈以父諱長所

著諸長字皆曰修

厲王長母趙氏女為趙王張敖美人高帝討韓信還過趙趙王獻美女趙氏女得幸有身趙王不敢內之於宮為築舍於外及貫高等謀反發覺并逮治王趙美人亦坐繫吏以其得幸有身聞上上方怒趙王未理美人弟蕪因辟陽侯審食

其言之吕后吕后妬弗肯白及美人生男恚而自殺吏奉男詣上上悔之封以為淮南王王蚤失母附吕后而常怨食其以為不強爭之使其母恨而死文帝即位王驕蹇不奉法三年入朝往見食其自袖鐵椎椎殺之馳走闕下肉袒謝罪上傷其志為親赦弗治還歸國益驕廼命載以輜車處蜀嚴道邛郵長不食而死民作歌曰一尺繒好童童一升粟飽蓬蓬兄弟二人不能

相容帝聞之。廼追尊淮南王為厲王。置園如諸侯儀。

淮南王安好道書及方術之士。正月上辛有八老公詣門求見。鬚眉皆皓白。王使閹人自以其老難問之。八公乃更形為童子。年可十四五。角髻青絲色如桃花。王聞跣而迎。登思仙之臺。盛禮設樂以享。八公援琴而絃。歌曰：煌煌上天，照下土。今知我好道，公來下。今公將與予，生毛羽。今

超騰青雲，蹈梁甫。今觀見瑤光，過北斗。今馳乘風雲，使玉女。今含精吐氣，嚼芝草。今悠悠將將，天相保。今歌闕八童子，乃復為老人。告王曰：吾一人能望，致風雨。立起雲霧，畫地為江河。撮土為山嶽，一人能崩。高山塞深泉，收虎豹。召致蛟龍，使役鬼神。一人能分形易貌，坐存立。隱蔽六軍，白日為暝。一人能乘雲步虛，越海凌波。出入無間，呼吸千里。一人能入火不灼，入水不濡。刃

射不中冬凍不寒夏曝不汗一人能千變萬化
恣意所為禽獸草木萬物立成移山駐流行宮
易室一人能煎泥成金凝鉛為銀駕龍浮於太
清之上安乃日夕朝拜各試所言種種異術無
有不效遂授王丹經三十六卷藥成未及服而
郎中雷被與伍被共誣稱安謀反天子使宗正
持節治之八公謂安曰可以去矣此乃是天之
發遣王王若無此事日復一日未能去世也八

公使安登山大祭埋金於地即白日昇天時人
傳八公安臨去時餘藥置在中庭雞犬舐之盡

得昇天故雞鳴天上犬吠雲中云

伍被楚人以才學為淮南

中郎是時淮南養士數千人高材者有八曰蘇非李尚左吳田由雷被伍被毛被進昌號曰八公而伍被為冠首按雷被伍被並在八公之列乃誣安反者欲引與俱去耳

淮南王安既與八公相攜俱去莫知所往淮南小
山之徒思戀不已乃作淮南王曲云淮南王自
言尊百尺高樓與天連後園鑿井銀作牀金瓶

素井汲寒漿。汲寒漿。飲少年。少年窈窕何能賢。
揚聲悲歌音絕天。我欲渡河河無梁。願化雙黃
鵠。還故鄉。還故鄉。入故里。徘徊故鄉苦身不已。
繁舞寄聲無不泰。徘徊桑梓遊天下。

梁孝王武

文帝第二子初封代王用賈誼策徙王梁廣睢陽城七十里大治宮

室作曜華宮築兔園園中有百靈山有虜
寸石落猿巖栖龍岫又有鴈池池間有鶴
洲鳧渚為複道自宮連屬於平臺三十餘
里平臺亦名吹臺後有繁氏居其側里人
呼為繁臺

梁孝王遊忘憂館集諸遊士各使為賦枚乘賦柳
路喬如賦鶴公孫詭賦文鹿鄒陽賦酒公孫乘
賦月羊勝賦屏風韓安國作几賦不成鄒陽代
作陽安國罰酒三升賜乘喬如絹人五疋乘柳
賦云忘憂之館垂條之木枝透遲而含紫葉萋
萋而吐綠出入風雲去來羽族既上下而好音
黃衣而絳足蜩蟬厲響蜘蛛吐絲階草漠漠白
日遲遲干嗟細柳流亂輕絲君王淵穆其度御

羣英而翫之。小臣瞽曠。與此陳詞。于嗟樂兮。於是罇盈。縹玉之酒。爵獻金漿之醪。庶羞千族。盈滿六庖。弱絲清管。與風霜而共雕。鎗鎗啾啾。蕭條寂寥。雋又英旄。列襟聯袍。小臣莫効於鴻毛。空銜鮮而嗽醪。雖復河清海竭。終無增景於邊。揅喬如鶴賦云。白鳥朱冠。鼓翼池干。舉修距而躍躍。奮皓翅之玃玃。宛修頸而顧步。啄沙磧而相惟。豈忘赤霄之上。忽池籞而盤桓。飲清流而

未安。故知野禽野性。未脫籠樊。賴吾王之廣愛。雖禽鳥兮抱恩。方騰驤而鳴舞。憑朱檻而為歡。公孫月賦云。月出皦兮。君子之光。鷓鴣舞於蘭渚。蟋蟀鳴於西堂。君有禮樂。我有衣裳。倚嗛明月。當心而出。隱員巖而以鈎。蔽修堞而分鏡。既少進以增輝。遂臨庭而高映。炎日匪明。皓壁非淨。躔度運行。陰陽以正。文林辯囿。小臣不佞。羊勝屏風賦云。屏風鞞匝。蔽我君王。重葩累繡。沓

壁連璋飾以文錦。映以流黃。畫以古烈。顯顯昂昂。蕃后宜之。壽考無疆。

蘇耽

桂陽人。文帝時得道。少以至孝。著稱。母食欲得魚羹。耽出湖州市買。去家一千四百里。俄頃便返。耽叔父為州吏。於市見耽。因書還家。家人大驚。既而辨。母仙去。預為植橘。鑿井。及郡人。大疫。但食一橘。葉飲一泉水。即愈。

蘇仙公一日白母道果已圓升舉有日忽有數十白鶴降於門遂昇雲漢而去後一鶴降郡屋郡僚子弟彈之鶴以爪櫻櫻板若書字焉其辭曰

鄉原一別重來事非甲子不記陵谷遷移白骨蔽野青山舊時翹足高屋下見羣兒我是蘇仙彈我何為翻身雲外却返吾居。

丁令威

遼東人。遼東諸丁譜載。令威漢初學道得仙。

丁令威少隨師學得仙道分身任意所欲遼東城門有華表柱令威常整歸化為白鶴集柱頭時有少年舉弓欲射之鶴乃飛徘徊空中而言曰有鳥有鳥丁令威去家千歲今來歸城郭如故

人民非。何不學仙離塚壘。言畢遂高上冲天。


陶安公

陶安公六安鑄冶師也。數行火火。一旦散上行紫
色衝天安公伏冶下求哀。須臾朱雀止冶上曰
安公安公。冶與天通。七月七日。迎汝以赤龍。至
期赤龍到大雨而安公騎之東南上。

竇玄

竇玄狀貌絕異。天子使出其妻。妻以公主妻。悲怨

寄書云。弃妻斥女。敬白竇生。卑賤鄙陋。不如貴
人。妾日以遠。彼日以親。何所控訴。仰呼蒼天。悲
哉。竇生。衣不厭新。人不厭故。悲不可忍。怨不可
去。彼獨何人。而居斯處。又歌云。乳乳白頭。東走
西顧。衣不如新。人不如故。時人憐而傳之。亦名
豔歌。



程